



## МЕСЯЦА МАРТА В 7-Й ДЕНЬ

Празднование Пресвятѣй Владычице нашей  
Богородице в честь иконы Ея,  
нарицаемая «Споручница грѣшных»

НА МАЛОЙ ВЕЧЕРНИ

На Господи, возвахъ: стихіры, глас 2:

**П**риидіте, вси вѣрнии, / во гласе радованія  
Дѣву Богородицу восхвалим / и честнѣй иконѣ  
Ея усѣрдно поклонимся, глаголюще: / радуйся,  
Непорочная Дѣво, Мати Христа Бѣга, / неизреченных  
знаменій и чудесъ Источнице / во спасеніе душъ нашихъ.

Приидіте, вси людіе, / воспойм Отроковицу  
Неискусобращную, / из Нея же возсия Солнце  
Правды — Христосъ Богъ нашъ, / ѡвемъ убо сияя чудесы,  
ѡвемъ же показуя богатство Царствія. / Егѡже  
моли, Чистая, Всеблаженная, / от безмерныхъ  
прегрешеній свободити души наша.

Дала еси намъ залогъ любви Твоей, Пречистая, /  
образъ Твой честный и многоцѣлбный, / имже  
посрамила еси неверныхъ мудрованія, / вѣрныя же  
облистая еси Небеснаго свѣта красѡтами, /  
просвѣщая и спасаая души наша.

Что Ти принесемъ, Пресвятая Дѣво, / за многую  
Твою благостыню и человеколюбие / и все благохваленіе  
сотворимъ о прославленіи святыя Твоей иконы? /  
Недоумѣваемъ тѡчию и удивляемся: / величающе  
Твое милосердіе ко грѣшникомъ, / еже на насъ  
показала еси, / чудесы происходящими утѣшая

нас / и благодати струй теми изливая, / подаючи  
мирови богато велию милость.

**Слава, и ныне, глас 8:**

Святэйшую всех святых сил / и Честнейшую  
всея твари, / Богородицу Владычицу, / всего мира  
предстательство и спасение, / вину рuce Своей  
молёбно воздвизающую к Сыну Своему, / да спасёт  
во тьме греховней заблуждшия рабы Его, / припадающе  
пред светоносным Ея образом, / достойно  
чтуще, ублажаем.

**Таже Свете тихий: без входа, прокимен дне,  
Сподоби, Господи:**

**На стиховне стихире, глас 4:**

Днесь благая Матерь Неба и земли / Владыце  
примиряет люди согрешившия, / темже с веселием  
приимем Сию / и радостно возопиим Заступнице  
верных: / о Богомощная Споручнице наша, / не-  
осужденных нас сохрани, / любовьию славящих  
предстательство Твое / и светло празднующих  
Святые Твоея иконы прославление.

**Стих: Восприяхом, Боже, милость Твою / посреде  
людей Твоих.**

Умири и согрей молитвами Твоими / жизнь нашу,  
Пречистая Богородице, / Солнца облаче светолуч-  
наго и неизреченнаго, / Ты бо упование непостыд-  
ное имамы, / и Предстательницу милостиву чело-  
веком, / и Споручницу покаяния и исправления  
их, / темже вопиём Ти: / Дево Всесвятая, слава  
Тебе.

**Стих: Обратися, душе моя, в покой твой, / яко  
Господь благодествова Тя.**

Призри, едина Многомилостивая, / на долготер-  
пение людей Твоих, / во обстояниях многообраз-  
ных страждущих, / востани на помощь нашу / и  
побори вся, борющая ны, / да Ты Поборницу в  
бедах неборимую / Архангельскими глаголы ве-  
личаем: / радуйся, Благодатная, Господь с Тобю, /  
радуйся, Невесто Невестная.

**Слава, и ныне, глас 6:**

Пресияющая Твоя чудеса кто исповесть, / или  
кто возможет поведати страшная Твоя, Богороди-

це, та́инства?/ Божественная бо благодать я́ве  
осеняет всечестную ико́ну Твою, / те́мже, в воню́  
ми́ра чудес Твои́х притека́юще, / неду́гов исцеле́-  
ния богáтно почерпа́ем. / Но, о Влады́чице, / не  
помяни́ мно́жества беззако́ний на́ших, / утоли́ от  
нас рыда́ния слез / и ми́лостиво предста́тельствуй  
за рабы́ Твоя́.

**Та́же Ны́не отпу́щаеши: по О́тче наш: тропáрь  
(пи́сан на вели́цей вече́рни).**

### НА ВЕЛИ́ЦЕЙ ВЕЧЕ́РНИ

**На Го́споди, воззва́х: стихи́ры, глас 6:**

**Ны́не при́йде грешным спасе́ние, / благодать  
Бо́жия на землі яви́ся / и избавле́ние челове́ком  
наста́, / мир весь просвети́ся: / се бо Ма́терь  
Бо́жия / на плещá Сво́я поды́млет ка́ющихся  
грехопадéния / и на поми́лование воздвизáет рúце  
к Сы́ну Сво́ему. / Лю́дие, ра́дости испо́лнитесь / и,  
обстоя́ще держа́вный о́браз грешных Спору́чни-  
цы, / возопи́йте, глаго́люще: / Богоро́дице Мари́е, /  
покры́й нас благодáтию Сво́ею / и те́пле моли́ся о  
всех нас.**

**Па́че лучезáрныя со́лнечныя зарí / облиста́  
днесь светонóсная ико́на грешных Спору́чницы, /  
вся земноро́дная утешáя чудесы́ / и совоку́плены  
показу́я ве́рных собра́ния. / Днесь лику́ют с ли́ки  
А́нгельскими челове́цы / и вся тварь просвещáется  
благодáтию, / во умилéнии вопию́щи: / о Пречу́д-  
ная Богоро́дице Де́во, / утэши лю́ди скорбя́щия /  
и покры́й ны Божественным предста́тельством  
Тво́им.**

**О, дивное и превели́е чу́до / и совершенное па́че  
естества́: / Не́бо на землі нам Цари́ца всех показá /  
явлéнием пресла́вныя Сво́ей ико́ны, / от Не́яже  
су́щим во мра́це грехо́внем непреста́нно вещáет: /  
лю́дие Мой, престáните от слез / и ктому́ отселе́ не  
пла́чите, / но воспря́ните от беззако́ний ва́ших / и  
вечно́ ра́дуйтесь со Мно́ю в Небесных обите́лех, /  
Аз бо есмь Спору́чница грешных к Моему́ Сы́ну / и  
спасе́ния ва́шего При́сная Ходáтаица.**

**Пречестно́е при́ят и богáтое украше́ние, / о́браз  
Богома́тере святы́й и многоцеле́бный, / красотóю**

Небѣснаго светолітія просіявший, / Цѣрковь земная свѣтитя радостно, / просвещается и красуется благодатию, / яве обрѣтши міру Ходатаицу нову, / любѣзно рѣце Свой за грѣшники ко Господу простирающую / и молящуюся о изглаждѣнии вины / и Царствія вѣчнаго наслѣдїи / во спасѣніе наше и утверждѣніе.

### Ины стихіры, глас 2, самогласны:

**С**олнечных сияній светлѣйшая Матерь Божія / предстоит ныне огнезрѣчному Престолу Сына / и рѣце Свой, ѿмиже носила есть Богомладенца Христа, / простирает к Немѹ во смиренном прошѣніи, / со слезами умоляя Возлюбленное Чѣдо Своѣ / любѣвию озарити заблѹждшее стадо словесных овѣц / и елеем человеколѹбія умягчити сердца, грехми ожесточѣнная, / и земнорѣдным всем, со трѣпетом жрѣбія своего ожидающим, / утешая бѣдрственно, глаголет: / людіе, дерзайте во упованїи, / Аз есмь с вами, и никтоже на вы.

**К**то Тя по достоянію похвалит и ублажит, / Отроковице Богоневѣстная? / Твоим бо теплым предстательством / раздрѣся рукописанїе грехов наших / и грядущий гнев Божїй мимоиде, / тѣмже, благодаряще, зовѣм Ти: / радуйся, сокровище неисчерпаемое животѣ, / радуйся, двѣре покаянія, / радуйся, грѣшных Споручнице, / от потопа греховнаго мир спасающая.

**Глас 8: Велічія Твоѣ кто исповѣсть, Богородице? / Явлѣніем бо Твоеѣ иконы / удивила еси град наш, / многія недѹги врачѹя и болѣзни исцѣляя / источѣніем честнаго и цельбонѣснаго міра; / тѣмже, Дѣво Владычице, / толику Тя имѹще Предстательницу к Щѣдрому Богу, / ко спасительному Твоемѹ покрову прибегаем, зовѹще: / спаси, Господжѣ, и защити Твоими молитвами / Богом хранимую страну нашу, / на Тя бо все упованїе наше возлагающе, / не постыдимся во вѣки.**

**К** Богородице прилѣжно ныне притецѣм / и к подножию чѹднаго Еѣ образа припадем, / в покаяніи зовѹще: / Владычице Пренепорѣчная, / прогнеvasя Сын Твой на грѣшныя рабы Твоѣ, / Щѣдраго бо на гнев обратихом мы, / но на милость

претвори́ Егó, Чѣстая, / Тя бо ны́не предлага́ем за ны Ходáтаицу, / да Мáтерним прошéнием умоленъ́ будетъ / и пленéнные грехи́ лю́ди Тво́я / изба́вит ча́емья скорби́ / и смéрти го́рькия.

**Сла́ва, и ны́не, глас то́йже:**

**Прииди́те, вси лю́дие, / и ви́дите Божéственное сокрови́ще / — светолу́чную ико́ну Богома́тере, / грéшников Спору́чницею нарица́емую / и всем чудесъ́ дары́ обильно пода́ющую. / Да возра́дуется вся земля́ Росси́йская / о неизрече́нной мило́сти Дéвы, Мáтери Царя́ Христа́, / ру́ку бо Свою́ простéрши от Пречи́стаго о́браза, / подаде́ му́жу сосу́д, ми́ра исполненный, / в зна́мение непреста́ннаго попече́ния Своего́ о лю́дех недужныхъ́ / и жи́знию грехо́вною разсла́бленных, / нося́ всем мир, и спасéние, / и ве́лию Небе́сную мило́сть.**

**Таже вход. Прокі́мен дне и чтéния три Богородичны́ (зри страни́цы 359—360).**

**На литіи стихи́ры, глас 1:**

**Кі́ими похва́льными пéснями / воспо́ем Пречи́стую Мáтерь Емману́илеву? / Ею́же слез потреби́ся се́тование / и во тьме согрешéний ходя́щим свет Небе́сный возсия́. / Сия́ бо дарова́ нам сла́вы райския́ наслажде́ние / святы́я Свое́я ико́ны пречу́дным явлéнием, / їмже бесо́встии отгоня́ются полцы́, / и А́нгельстии свесе́лятся чи́нове, / и совокупле́ния ве́рных свéтло пра́зднуют, / любо́вию чту́ще Засту́пницу ро́да христиа́нскаго / и пока́яния Всемо́щную Спору́чницу.**

**Прииди́те ны́не, празднoлю́бцы вси, / цветы́ добродéтелей взéмше, / а́ки венцы́ благоухáнными, / украсим о́браз Спору́чницы на́шей, / Я́же с нами́ всегда́ невидимо спребывáя, / к торжеству́ нас ны́не созва́ / и, огражда́я честнымъ́ Своимъ́ покровомъ́ / от всякихъ́ напáстей, бед и скорбей, / непреста́нно мо́лится о душа́х на́ших.**

**Ра́дуйся, вселéнная Ходáтаица Преблага́я, / Тобóю бо изба́вися от кля́твы, / но, я́ко дерзнове́ние иму́щи ко благосе́рдию Сы́на Своего́, / Мáтернею Твое́ю моли́твою / не оскуде́й моли́тися, Пречи́стая, / поми́ловатися душа́м на́шим.**

### Слава, и ныне, глас 5:

Преподобней Маріи подражающе, / возведём  
очи своя на икону Благословенныя Отроковицы, /  
всех же покаявшеся своих прегрешений, / стра-  
стей прилоги от души отыдем / и на путь спаси-  
тельный добродетелей востечём, / во умилении  
вопиюще Приснодеве: / радуйся, грешным Спо-  
ручнице, / Единая, всем вскоре предстательству-  
ющая.

### На стиховне стихиры, глас 3:

Приидите, вси концы земли, / светоносное за ны  
предстательство Божия Матере ублажим, / ибо,  
руце Своя к Сыну воздеючи, молятся; / темже  
дивным прославлением образа Ея / мир оживлен  
бысть, / псалмы, и пеньми, и песнями духовными /  
со всеми святыми празднуем светло.

**Стих:** Помяну имя Твое / во всяком роде и роде.

Прегрешений пучиною обуреваемы, / к тихому  
пристанищу Твоея любви, Богородице, прибе-  
гаем / и, припадающе к Пречистому Твоему обра-  
зу, / со слезами взываем Ти: / простри Держав-  
ную десницу рабам Твоим, Пренепорочная, / и  
молися прилежно Сыну Твоему / подати вселенней  
отпущение грехов, / нам же всем прежде конца  
исправление / и душам нашим мир и велию  
милость.

**Стих:** Слыши, Дщи, и виждь, / и приклони ухо  
Твое.

Отпущение грехов и напастей избавление / все-  
сильною Твоею молитвою приемлюще, / Тя, За-  
ступницу верных, / яко всех благих вину  
воспеваем / и Споручницу благохвальную спасения  
нашего / песнями немолчными ныне прославляем.

### Слава, и ныне, глас тойже:

Ныне чествующе Тя в цельбносном образе  
Твоем, Пречистая, / смиренно тому поклоняемся, и  
любезно целуем / и, к Твоей безмерней любви  
возвышаемы, / благодать исцелений от Него почер-  
паем, / хвалим же Тя, Помощницу сильную и  
преславную / и Споручницу спасения нашего во  
веки.

**Тропáрь глас 4:**

**У**молка́ет ны́не вся́кое уны́ние / и страх отча́-  
яния исче́зает, / грѣшницы в скорби сѣрдца  
обре́тают утешѣние / и Небѣсною любóвию озаря́-  
ются свѣтло: / днесь бо Мáтерь Бóжия простира́ет  
нам спаса́ющую рúку / и от Пречы́стаго о́браза  
Своего́ вещáет, глаго́ля: / Аз Спорúчница грѣшных  
к Моему́ Сýну, / Сей дал Мне за них рúце слы́шати  
Мя в́ьну. / Тѣмже, лю́дие, обременѣннии грехи́  
мно́гими, / припадíte к подно́жию икóны Ея́, со  
слезáми вопи́юще: / Застúпнице мíра, грѣшным  
Спорúчнице, / умоли́ Мáтерними Тво́ими молítва-  
ми Избáвителя всех, / да Божѣственным всепрощѣ-  
нием покрýет грехи́ наша / и свѣтлыя двѣри  
ра́йскія отвѣрзет нам, / Ты бо еси́ предстáтельство  
и спасѣние рóда христиáнскаго.

**Ин тропáрь, глас 3:**

**Т**ебѣ, милосѣрдия истóчнику прýсно теку́щему /  
и Спорúчнице грѣшных, недостóйнии раб́и  
Тво́й, Богорóдице, / припада́юще, скорб́яще, вопи́-  
ем Ти: / спасáй нас от бед, Влады́чице, / и мáтерним  
Тво́им ходáтайством испроси́ всем нам вѣчное  
спасѣние.

**НА УТРЕНИ**

**На Бог Господь: тропáрь, двáжды. Сла́ва, и ны́не:  
Не умолч́им никогд́а:**

**По 1-м стихослóвию седáлен, глас 4.**

**Подóбен: Я в́ился еси́ днесь:**

**Заря́ми просия́ всемирная рáдость о́браза Тво-  
его́, Дѣво Мáти Марíе: / на земл́и просвети́ мы́сли  
любóвию пою́щих Тя.**

**Сла́ва, и ны́не, то́йже.****По 2-м стихослóвию седáлен, глас 4.**

**Подóбен: Удивис́я:**

**Дѣва Марíя Богорóдица войстинну, я́ко о́блак  
свѣтлы́й, нам возсия́. / Ктому́ Ада́м не осужда́ется, /  
и Е́ва от уз свободис́я, / сего́ ра́ди и мы зовѣм,  
вопи́юще с дерзновѣнием, еди́ней Чы́стей: / Пре-**

святая Дѣво, моли Сына Твоего / подати грехов оставление.

**Слава, и ныне, тойже.**

**По полиелѣи седален, глас 1.**

**Подобен: Ангельския силы:**

Девическаго Твоего чрева красен клас явлься: / израстила бо еси миру Жизнь, / сего ради Силы Небесныя вопиют Тебе, Богородице, / славяще честное Твое празднество, Пречистая: / слава образу Твоему, / слава девству Твоему, Мати Безневѣстная.

**Слава, и ныне, тойже.**

**Степенна, 1-й антифон 4-го гласа. Прокимен, глас 4:** Помяну имя Твое / во всяком роде и роде. **Стих:** Отрѣгну сердце мое слово благо, / глаголю аз дела моя Цареву. **Всякое дыханіе: Евангелие от Луки, зачало 4.**

**По 50-м псалме стихира, глас 6:**

Сокровище некрадомое / обретохом Тя, Богородице Дѣво, / превелиих бо дарований сподобилася еси / от Сына Возлюбленнаго: / приноси ти Тому рuce в поручение за люди согрешившия. / Спаси убо благодатию Твоею / град наш и люди, / боримым страстьми — умирение, / обуреваемым волнами греховными — тишину, / едина Предстательнице верных.

**Канон, глас 2.**

**Песнь 1**

**Ирмос:** Во глубинѣ постла иногда / фараонитское всеоинство преоруженная сила, / воплощшея же Слово всезлбный грех потребило есть, / препрославленный Господь / славно бо прославися.

**В нарочитый день праздника нашего / отвѣрзем, людие, уста своя / и новыми пѣснями величия Приснодѣвы воспоем. / Се бо явлением святыя Своея иконы — грешным Споручницы — / множеством чудес от нея славно прославися.**

**Якоже светозарное Солнце, от горы Синайския возсиявшее, / облистá нас образ Споручницы**



грѣшных, / ѣмже благодати залог миру даровася и спасѣние на земли возвестися, / покров и прибежище вѣрным, любовию почитающим Его.

**Рукѡю** крѣпкою люди Своя от горькия работы Избавльшему / и из глубины морской Изведшему / простри руке Твоя, Дѣво Чистая, и молися прилежно, / да изведет из плена греховнаго души вѣрных, / празднующих светло заступлѣние Твое.

**Всех** падших востание, / заблуждающих Наставнице, унывающих радование, / болящих исцелѣние и всех грѣшных спасѣние, / соблюди и сохрани нас, Госпоже, / Божественным к Сыну за ны ходатайством Твоим.

**Катавасія:** *Отверзу уста моя:*

### Песнь 3

**Ирмос:** *Неплодствовавший мой ум / плодоносен, Боже, покажи ми, / Дѣлателью добрых, Насадителю благих, / благоутробием Твоим.*

Свѣше данною Ти благодатию обновила еси, Споручнице мира, / многими грехми обветшавшия сердца наша, / и, воздеючи руке, молишися к Сыну Твоему за люди согрѣшившия: / спаси, Дѣво, нас молитвами Твоими.

Яко облак дожденосный, видим образ Твой, Владычице мира, / воду бо спасительную чудес от Него испущаючи, / грехми изсохшия сердца благодатию напаяеши / и приводиши нас к творѣнию добродѣтелей плода, / сего ради любовию ублажаем Тя.

**Жезл** Ааронов процветший именованъ Тя дрѣвле Моисей, / Цвет бо живоносный — Христа — прозябла еси, / Емуже простерши длани, молися, Богомати, / страстми умерщвленныя души наша оживити плодоносною благодатию Своею.

**Ороси** нас росю молитв Твоих, Богородительнице, / и неплодная в пустыне греховней увядающая сердца наша плодоносны ныне содейлай / всеильным к Богу ходатайством Твоим.

### Песнь 4

**Ирмос:** *Пришел еси от Дѣвы, не Ходатай, ни Ангел, / но Сам, Господи, воплощся, / и спасл еси*

*всего мя, человека. / Тем зову Ти: слава силе Твоей, Господи.*

**Пришла** еси в мир за грешники Ходатаица, / и яко Ангел утешаяй и ко исправлению вся подвижаяй; / темже убо, Мати Божия, Споручница буди ми во благо, / яко да обращуся и прежде согрешенных разрешение прииму, радостно вопиюще: / слава силе Твоей, Господи.

**Сокровище** безценное обретохом — / светоносный образ Твой, Богородице, мироточный и многоцелбный, / благодати Божия обильно преисполненный, / Емуже поклоняющися, источити просим освящение душам и телесем нашим.

**Лествица** явилася еси образно Иакову, / от земли к высоте утвержденная, / еюже сниде Владыка Неба и земли, / да Твою путь правый покаяния покажет нам / и к чертогам Небесным возведет люди согрешившия.

**Едина** надежда несумненная и грешным Споручница Ты еси, Пречистая, / Тобюю бо Христос Бог, преклонь Небеса, / на землю сниде обновити падшее создание Свое; / темже, проси, Дево, грехов прощение даровати нам, верою поющим Ему: / слава силе Твоей, Господи.

### Песнь 5

**Ирмос:** Ходатай Богу и человеком был еси, Христэ Боже: / Тобюю бо, Владыко, к Светоначальнику, Отцу Твоему, / от ноши неведения / приведение имамы.

**Ходатай** Богу и человеком, Христос Бог, / Ходатаицу Тя миру показá и грешным Споручницу. / Егоже милостива содейлай нам, Пресвятая Мати Дево, / теплым заступлением Твоим.

**Паче** солнца светлется образ Твой, Богоневесто, / всю страну нашу осиявающий знамени и чудесы, / тьму же греховную разгоняющий и благое всем источающий Небесное миро / во спасение верных и миру христианскому во обновление.

**Руно** Тя Гедеон вообрази орошенное, / на негоже, яко роса, Христос Бог сниде, / да, росюю молитв Твоих орошении, / грешницы к покаянию

подвѣгнутся / и к вѣчным обителем Светоначальника Отца Небеснаго приведѣние да ѣдут.

**Се** плачу и рыдаю горце, / егда от нощи нерадѣния во ум прииду от многих моих злых прегрешѣний. / Тѣмже молю Тя, Мати Благая: / Споручница буди ми и настави мя на путь, еже ходити во истине, / слезы приносяще о своих согрешѣниях.

### Песнь 6

**Ирмос:** **В** бѣдне греховней валяясь, / неизслѣдную милосердія Твоего призываю бѣдну: / от тли, **Боже**, мя возведи.

**Радости** нам вѣчныя и жизни нетлѣнныя Ходатаица явилася еси, Богородительнице, / приносяще за ны рuce к Сыну Твоему и Спасу всех, / всяку слезу от лица земнаго отъемшему / и неизслѣдную милосердія Своего бѣдну Тобою миру показавшему.

**Святителя** Николая, предстояща образу Твоему, / благоговѣйный муж узрѣти сподобися / и благоволенія Твоего глаголы от Тебѣ, Царнице, услыша, / яже вѣрным быша во утверждѣние / и о людех промыслѣнія Твоего во свидѣтельство.

**Свиток** нов Тебѣ Исаія, Дѣво, предвидев, / на немже написася живое слово Отчее, / Егоже моли, Чистая, Всеблаженная, / в книзе мне живых написатися / и многих зол моих разтерзати свиток / покаянія предобрыми образы.

**Из** глубины бѣдны греховныя к Тебѣ рuce простираю / и сквернии устне мой к молѣнію отверзаю, / подножию же ног Твоих, Владычице, припадаю / и, рыдаючи, вопию Ти: / молися, Заступнице, Сыну Твоему, / прощѣние улучшить ми и милость в День судный.

### Кондак, глас 1:

**Ч**естное жилище бывшее / неизреченнаго естества Божественнаго / выше слова и паче ума / и грешным еси Споручница, / подаваяши благодать и исцелѣние, / яко Мати всех Царствующаго: / моли Сына Твоего / получитьи нам милость в День судный.

**Икос:**

**С**ветонóснаго явлéния/ и преслáвнаго Твоея икóны, Спорúчницы грéшных прославлéния,/ чудéс же мнóгих пучíны и мíра многоцелéбнаго излия́ния/ витíйствующих устá не возмога́ют исповéдати достóйно;/ мы же, грéшнии и смирénнии, что возглабóлем Ти, Богоневéстная Дéво?/ Тóкмо: помíлуй нас./ Едíну бо Тя жízни нáшея стяжа́хом Хранíтельную и Надéжду крéпку спасéния./ Тёмже мо́лим Тя, о Благосéрдная:/ Спорúчица нам пока́яния явíся/ и ходáтайствуй к Сýну Твоему́:/ да бúдущих истязáний избáвимся/ и мíлостива Егó обря́щем в День сýдный.

**Песнь 7**

**Ирмо́с:** *Богопротивное велéние/ беззакóннующаго мучíтеля/ вы́сок пла́мень вознесло́ есть./ Христóс же простре́ благочестíвым отроко́м росу́ духовную,/ Сый́ благословéн и препрослáвлен.*

**В** но́щи, и во дни, и во вся́ких обстоя́ниих/ спасéние твёрдо íмамы Тя, Богорóдице, христиáном покрóв и прибéжище,/ в́ину бо рúце ко Гóсподу простéрши,/ росю́ моли́тв Твои́х, я́коже óтроки благочестíвыя,/ охраня́еши от напа́стей вёрныя, зовúщия:/ благословéнна еси́, Мáти Дéво, и препрослáвлена.

**Не** терпя́ муж благочестíвый зрéти неизречéннаго от óбраза Твоегó осия́ния,/ на зéмлю ниц паде́, моля́ся;/ мы же, грéшнии, благода́тную икóну сию́ зря́ще,/ любóвно вопи́ем Ти:/ благословéнна бúди, Спорúчице спасéния нáшего,/ и препрослáвлена во вéки.

**С**ерафíм дрéвле, клещáми уго́ль нося́й горя́щий,/ во устá косну́ся Исáии, попаля́я грехи́ егó./ Ты же, клещá светозáрная сýщи, Богорóдице,/ Уго́ль Божéственный носíвшая, Христа́ Иисúса,/ прикосни́ся Егó милосéрдию,/ да опалíт грехи́ нáша и беззакóния лю́тая.

**Не** отвéржи менé от лица́ Твоегó, Всенепорóчная,/ егда́ к Пречíстому óбразу Твоему́ воззрю́, стенья́ще о гресéх тяжких,/ но мíлостива бúди ми Застúпница к Сýну,/ милосéрдием бо преклоня́ет-

ся и спасение грешников содеывает ходатайством Твоим.

### Песнь 8

**Ирмос:** *В пещь огненную ко отроком еврейским снизшедшаго / и пламень в росу преложшаго Бога / пойте, дела, яко Господа / и превозносите во вся веки.*

**В** пещь огненную страстей мира снизшедшую / и пламень греховный в росу покаяния спасительного преложшую Богородицу, / прекрасный лик весело сплети, / пойте, дела, яко Заступницу мира Деву Чистую, / и превозносите во вся веки.

**Света** Небесного в нощи многообразными играными славят всечестную икону Твою, Владычице, Горнии чини / и Тебе, Богоневестную Матерь, ублажают радостно. / Юже, яко Световодительницу из тмы греховныя, / людие, превозносите во вся веки.

**От** древле до ныне Саму Матерь Царя Христа / Утешительницу тверду в напастех имущи, / в скорбех же и печалех присное избавление, / в бедах помощь и в покаянии Споручницу, / благословите, сынове человечести, / пойте Сию и превозносите во вся веки.

**Даждь** рабом Твоим, Всеблагая Царице, прошения спасительная в храме сем, / в немже источник преславных чудес показала еси, / токи мира источая от святого образа Твоего, / имиже страсти душ и телес врачуши неизреченным милосердием Твоим.

### Песнь 9

**Ирмос:** *Безначальна Родителя Сын, Бог и Господь, / воплощся от Девы, нам явися, / омраченныя просветити, собрати расточенная, / тем Всепетую Богородицу величаем.*

**Не** возмогает слово человеческое, / ниже язык всяк похвалити Тя достойно, / но Ты, Пресвятая, благодать неоскудную от Господа приемшая / и грешным Споручница свьше преднареченная, / вретнице прегрешений наших расторгни и омраченныя просвети ны, / веселием же добродетелей

препоёсующи, / не оста́ви нас заступле́нием Твои́м, / да Тя, Всепе́тую Богоро́дицу, велича́ем.

Свѣтом невестественнаго светолітія сияя, образ Твой, Отрокови́це Непоро́чная, / омраче́нная грехми́ просвещает и расточе́нная вся под кров спасі́тельный хра́ма Твоего́ собира́ет, / тем, веселя́щися, Тя, Всепе́тую Богоро́дицу, велича́ем.

Якоже Дави́д праоте́ц дре́вле пред се́нным ковче́гом възгра́ше радостно, / си́це и мы Цари́це Не́ба прише́дшей пе́снями възгра́ем немол́чными, / сла́вяще о́браза Ея́ многоцеле́бнаго всечестно́е прославлéние.

Срад́уемся днесь и свесели́мся неизрече́нному Бо́жию дарова́нию / — дивному о́бразу Присноде́вы, / радость бо вѣчную от Него́ источает нам, напáстей и печáлей свобожда́я. / Те́мже благода́рственные пе́сни воспева́ем весéлія Ходáтаице / и вѣрно любóвию вси я́ко Богома́терь велича́ем.

### На хвалі́тех стихі́ры, глас 7:

Госпо́дь и Царь сла́вы, Небеса́ преклоні́в, / сніде обнові́ти па́дшее естество́ челове́ческое / и, на руках Твои́х, Де́во, я́ко А́гнец непоро́чен, носі́мый, / ны́не Твою́ моли́тву прие́млет, / и проше́ние Твое́ я́ко Сын благи́й во всем исполня́ет, / Ему́же, Пречи́стая, просте́рши ру́це Тво́я, усер́дно за ны моли́ся, / да пода́ст утеше́ние рабо́м Твои́м / и спасе́т ду́ши на́ша, я́ко Милосе́рд.

Недостойно предстоя́ще пречи́стому о́бразу Твоему́, / у́треннюю песнь возсыла́ем Ти, Богоро́дительнице, / из глубины́ греховны́я взыва́юще: / омраче́ние на́ше свѣтом любви́ Твое́я просвети́ / и разреши́ недуги́ на́ша го́рькия и неисце́льныя, / Наде́жду и Засту́пление всех конце́в земли́ / и еди́на Предста́тельница вѣрным.

Ра́дуйся, врата́ Бо́жия Пресвята́я, / от врат а́довых нас избавля́ющая / и светоза́рный путь пока́яния показу́ющая, / їмже обря́щем врата́, к вѣчней жи́зни вводя́щая, / заблужда́ющих всех Наста́внице, / род вѣрных челове́к споруче́нием Твои́м соблюдай / и спаса́й ду́ши на́ша.

### Сла́ва и ны́не, глас то́йже:

Под кров Твой, Владычице, / вси земнороднии, прибегающе, вопиём Ти: / Богородице, упование наше, / избави ны от безмерных прегрешений / и спаси души наша.

**Славословие великое, отпуст и час 1-й.**

**НА ЛИТУРГИИ СЛУЖБА ВСЯ БОГОРОДИЦЕ.**

### Моли́тва

**О** Владычице Преблагословенная, Защитнице рода христианскаго, прибежище и спасение притекающих к Тебе! Вем, воистинну вем, яко зело согреших и прогневах, Премилостивая Госпоже, рожденнаго плотию от Тебе Сына Божия, но имам многии образы прежде мене прогневавших Его благоутробие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешныя души моея представляя и на толикое Божие милосердие, оных приемшее, взирая, дерзнух и аз, грешный, прибегнути с покаянием ко Твоему благоутробию. О Всемилостивая Владычице, да подаси ми руку помощи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть воистинну Христос, Сын Бога Живаго, Судия живых и мертвых, воздай комуждо по делом его. Верую же паки и исповедую Тебе быти истинную Богородицу, милосердия источник, утешение плачущих, взыскание погибших, сильную и непрестающую к Богу Ходатаицу, зело любящую род христианский, и Споручницу покаяния. Воистинну бо несть человеком инья помощи и покрова, разве Тебе, Госпоже Премилостивая, и никтоже, уповая на Тя, постыдеса когда и, Тобою умоляя Бога, никтоже оставлен бысть. Того ради молю Твою неисчетную благодать: отверзи двери милосердия Твоего мне, заблуждшему и падшему в тимение глубины, не возгнушайся мене, сквернаго, не презри грешнаго моления моего, не остави мене, окаяннаго, яко в погибель злобный враг

похитити мя ищет, но умоли о мне рождённого от Тебё милосёрдаго Сына Твоего и Бóга, да простит великия мой грехи и избавит мя от пагубы моея; яко да и аз со всіми, получившими прощенье, воспою и прославлю безмёрное милосёрдие Бóжие и Твоё непостыдное о мне заступление в жизни сей и в нескончаемом вѣце. **Ами́нь.**



**Икона Божией Матери «Споручница грешных»**

названа так по надписи, сохранившейся на иконе: «Аз Споручница грешных к Моему Сыну...». Споручница, то есть Поручительница или Посредница между Господом Иисусом Христом и согрешающими людьми, неусыпная за них Ходатаица и Молитвенница.

На иконе изображена Пресвятая Богородица с Богомладенцем на левой руке; главы Их украшены венцами. Младенец Иисус обеими руками касается простертой к Нему правой руки Богоматери. Над главой Богоматери начертана звезда, от которой полукругом до половины изображения с обеих его сторон начертано по 6 звезд (вероятно, символизирующих двенадцать святых апостолов). По углам иконы изображены свитки с

надписью: «Аз Споручница грешных к Моему Сыну: Сей дал Мне за них рuce слышати Мя выну: да тии, иже радость выну Мне приносят, радоваться вечно чрез Мене испросят».

Образ этот в прошлом столетии находился между другими старинными иконами в обветшавшей часовне у ворот Никольского Одринского монастыря (при реке Одрине), в семи верстах от города Карачева Орловской губернии (ныне одноименный город на территории соседней Брянской области).

В 1843 году многим жителям Карачева было открыто в сновидениях, что икона является чудотворной.

В 1844 году от иконы последовало чудесное исцеление двухлетнего мальчика, страдавшего не поддающимися лечению припадками. Тогда же икону торжественно перенесли в соборный храм Никольского монастыря. В последующие годы, особенно во время эпидемии холеры в 1847—1848 годах, многие безнадежно больные, с верою притекшие к чудотворной иконе, заступничеством Богоматери получили исцеление и возвратились к жизни.

В Никольском монастыре в честь чудотворного образа был сооружен большой трехпрестольный храм. В 1848 году усердием москвича Димитрия Бонческула с образа был сделан список, помещенный первоначально в его доме. Этот список оказался чудотворным, источающим целительное миро, и был перенесен в Никольский храм в Хамовниках. В храме устроили отдельный придел в честь иконы Божией Матери «Споручница грешных», освященный в 1872 году. Этот чудотворный список прославился также исходившим от него светом по ночам и многими другими знаменьями. Только с 1844 по 1850 год от иконы «Споручница грешных» после-



довало не менее 115-ти засвидетельствованных чудесных исцелений.

Празднование в честь иконы Богоматери совершается (кроме 7 марта) также 29 мая,—установленное в 1898 году, в память 50-летия пребывания чудотворной иконы в московском Никольском храме в Хамовниках.

Чтимые списки с иконы «Споручница грешных» имелись во многих православных храмах в России. Некоторые из них также прославились чудотворениями, как, например, икона в Троицком соборе в Троицко-савске в Забайкальской области (ныне Бурятская АССР).

В  
ТОЙЖЕ  
ДЕНЬ

**Святых священномученик, в Херсоне епископствовавших, Васи́лия, Ефре́ма, Капи́тона, Евге́ния, Ефе́рия и прочих**

**На Го́споди, воззва́х: стихи́ры, глас 4.**

**Подобен:** Дал еси зна́мение:

**М**ученицы непобедимии, / и иерарси всехвальнии, / и светильницы всемирнии, / столпы непревратнии Божественныя Църкве, / и степень догматов, / и наставницы благочестивых, / и потребителие лести бысте, отцы небомудреннии, / световодителие душ наших, / Ангелов сообщницы, / Троицы поборницы.

**Ефрем** славный, / и **Василий** Богомудрый, / и **Капитон** великий, / Божественный Агафодор / со **Елпидием**, и **Еферием**, / и **Евгением** славным / словесы Божественными да ублажатся, / преподобне бо поживше и священно пострадавше, / Царствия явшася Небеснаго жителие.

**У**мертвив мудрование плотское подвиги, / **Василий** славный мертвеца воскреси / призыванием Божественным; / **Капитон** же паки, священнейший пастырь, / посреди пламене стоя, радуясь, / виден бысть неопалимь. / Тех молитвами, Человеколюбче, / умилоствление нам даруй / и велию Твою милость.

**Слава, и ныне, Богородичен, глас и подобен тойже:**

**Скверну** отмыи страстнаго сердца моего, / **Богородице** Всепетая, / и вся язвы и гноения сего, / яже от греха, очисти, **Чистая**, / и ума моего устави

непостоянное, / яко да силу Твою и великое заступление / величаю, окаянный / и непотребный раб Твой.

### **Крестобогородичен. Подобен тойже:**

**Распинаема Христа Человеколюбца / видящи Пречистая / и ребра ископаваемая копием, / плачущи, вопиюще: / что сие, Сыне Мой? / Что Ты безблагодатнии людие воздаша, / за яже сотворил еси добрая им? / И тщишия безчадствовати Мя, Вселюбезнейший. / Удивляюся, Благоутробне, / Твоему вольному распятию.**

**Канон, егоже краегранисие: Седмочисленный пастырей лик почитаю. Иосиф. Глас 4.**

### **Песнь 1**

**Ирмос: Моря чермную пучину / невлажными стопами / древний пешествовав Израиль, / крестообразными Моисеовыми руками / Амаликову силу в пустыни победил есть.**

**Божественными светолитии мученицы обливаемы, / светносный сей и светлый праздник ваш всегда благочестно хвалящая / страстей мглы избавите.**

**Слово Божие, воплощся, вас показав, всеблагославныя пастыри, / Того возвестити Божество заблуждшим, преподобнии, / и неведением бедствующим.**

**Вод животворных Духа исполняеми, / истаявшия знбом лютым безбожия напоите / и к воде, славнии, спасения наставите.**

**Богородичен: Разрешися праотцев, Чистая, за прещение, / паче ума Рождеством Твоим, Пречистая, / и первый восприяша рай вход, велегласно восхваляюще Тя.**

### **Песнь 3**

**Ирмос: Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.**

**Огнем Божественным ум разжег, Василие всемудре, / якоже пастырь изряднейший, вещь безбожия попалил еси.**

Духа светом сущия во тьме лютых, славне, / к просвещению привлéкл еси святаго крещения.

Стези твоя к Богу исправишася, Васíлие, / вся от прелестнаго путí благодатию к Богоразумию обратиша.

**Богорóдичен:** Избавляющаго человеки от насíллия вражия, / родила еси сильнаго Гóспода, / Пречíстая Дéво Всепéтая.

### Седáлен, глас 3.

Подóбен: Красотé дéвства:

Мíром помáзания освятíвшеся, / пáстырие явíстеся людем Богомúдным, / и, я́ко агнцы чíсти, пожёршеся, принесóстеся Сло́ву Нача́лопáстырю, / пожёршемуся, я́ко овчáти, / мученицы всехвáльнии и светíльницы всемирнии. / Тёмже торжествуем вси любóвию Божéственную пáмять ва́шу.

### Сла́ва, и ны́не, Богорóдичен:

Я́ко невоздéланная, Дéво, лозá, / красне́йший Грозд прозяблá еси, источáющ нам вино́ спасéния, / всех веселя́щее дýши же и телесá. / Тёмже, я́ко винú Тя дóбрых блажа́ще прíсно, со А́нгелом вопи́ем Ти: / ра́дуйся, Благодáтная.

### Крестобогорóдичен:

Неискусобра́чная Чíстая и Ма́ти Твоя́, Христé, / видящи Тя мёртва вíсяща на Крестé, ма́терски пла́чущи, глаго́лаше: / что́ Тебé воздаде еврейский беззакóнный собо́р и неблагода́рный, / и́же мно́гих и вели́ких Твои́х, Сы́не Мой, дарóв насладíвыйся? / Пою́ Твоé Божéственное снизхождéние.

### Песнь 4

**Ирмо́с:** Вознесéна Тя вíдевши Цéрковь на Крестé, / Со́лнце праведное, / ста в чíне своём, / досто́йно взывáющи: / сла́ва síле Твое́й, Гóсподи.

Священнейших мученик лик да поётся, / священства благодатию и мучения озаряемь, / и поёт, веселя́ся: / сла́ва síле Твое́й, Гóсподи.

Богонóснии ко́рмчи Цéркве, / Ефрём и Агафо́дор, Васíлий и Капíтон, / Ефэ́рий, Евгéний и Божéственный Елш́идий, / Духом Святы́м явíшася.

**Научившеся** Божественным, отцы Божественни, / люди в преподобии и правде истинно упасосте / и конец блаженный мучением приясте.

**Умершии** неверием умершаго востанием получиша жизнь вечную, / тобою веровавшие Христу Богу нашему, мучениче священнейший Василие.

**Богородичен:** Умерщвлённая оживила еси человеки, / Жизнь Ипостасную рождши, Дево, паче всякия мысли, Христа, Бога нашего, / Человека за милосердие бывша.

### Песнь 5

**Ирмос:** Ты, Господи, мой Свет, / в мир пришёл еси, / Свет Святыи, обращаи из мрачна невѣдения / верою воспевающи Тя.

**Чашу** честнаго мучения испите, / Имя Господне, Богоноснии отцы, верно призывающе.

**Един,** мертвым вдыхаяи воскресение, / молитвою твоёю умершаго, Василие, воздвизает, / уясняя твоё проповѣдание.

**Равночестна** Отцу Сына проповѣдающе, / многобожное мучительство идолонействовства, отцы, отгнасте.

**Богородичен:** Блажени суть людие, / ведущии Тя, Всенепорочная, Владыки всех Матерь / и любовьию ублажающи Тя.

### Песнь 6

**Ирмос:** Пожру Ти со гласом хваления, Господи, / Церковь вопиет Ти, / от бесовския крове очистиши / ради милости от ребр Твоих / истекшею кровию.

**Похвалами** Агафодора же, и Евгения, / и Василия великаго, и мудраго Елпидия увенчаем, / иерархи и добля сущия мученики.

**Законными** воспитании духа, всемудрии, / беззаконнуюющим законы спасительныя предложивше, / благочестия к просвещению тья привлекосте.

**Явистеся** от различных град овчата, / единех же людей пастырие и Божественнаго града наследницы, / в немже обитают Богу угодившии мученицы.

**Богородичен:** Закона Тя сени, пророков же

гадания проображаху, Дѣво, / неизречѣнным слѣ-  
вом Рождество имѣвшую, спасающее мир, Всене-  
порѣчная.

### Конда́к, глас 2.

Подобен: В вѣшних живѣй:

**С**ветонѣсный день настá / пáстырей, епíскоп-  
ствовавших свѣтло в Херсо́не, / ихже воспевáем  
праздник, / пострадавших за Христѣвы овцы. /  
Священномученицы, молите Пастыреначальника  
Христá / и нас причесті деснаго овец стоянія, / да  
вопиѣм вам: / радуйтесь, священнии отцы, / за  
Христá кровь свою излившии.

### Песнь 7

**Ирмос:** В пещи авраамстии отроцы персидстей, /  
любовию благочестия паче, / нежели пламенем,  
опаляеми, зываху: / благословен еси в храме  
славы Твоея, Господи.

Радуюся, вшел еси, отче Капитоне, в пещь, /  
пребыл же еси неопалим, якоже отроцы трие, /  
неверныя изымая огня будущаго, / веровавшия  
Божественным твоим чудесем.

Не устрáшився, не убоявся повелѣния, отче  
священныи Капитоне, / в священную ризу облѣкл-  
ся еси, / в нейже углие огненное нося, блаженне.

Путь заградил еси неразумия Божественными  
словесы твоими, / разум благочестия всем вло-  
жив, / во глубину попользшимся идолонейство-  
ства, / священнодетелю Капитоне Богоприятне.

**Богородичен:** Создавый рукою Еву, Слово Бо-  
жие, Отроковице, / наздати вся восхотѣв, из чрева  
Твоего зиждется, / начало приемля, Отцу и Духу  
сопрестольный.

### Песнь 8

**Ирмос:** Руце распростер, Даниил / львов зияния  
в рове затче; / огненную же силу угасиша, /  
добродетелю препоясавшися, / благочестия ра-  
чители отроцы, зывающе: / благословите, вся  
дела Господня, Господа.

Умертвивше болѣзными плотью, / жизнь безсмерт-  
ную исходатаисте, отцы преподобнии, / всем,  
мертвым богом служащим, / иже и, спасшися, с

вами присно зовут: / благословите, вся дела Господня, Господа.

**Согласно** Евгения, вернии, и Агафодора, / Ефрема и Елпидия с Еферием воспойм, / Василия же и Капитона, яко низложители врага и иерархи Христовы, / Емуже вопиём: / вся дела, благословите Господня Господа.

**Возвеселил** еси люди, отче Ефреме, твоими ученьми / и ныне прешел еси к невечернему сиянию и к веселию присносущному, / твоих трудов воздаяния приемля и взывая: / вся дела, благословите Господня Господа.

**Пожив,** всеблаженне Василие, на земли, яко Ангел, / над страстьми плотскими ты царствовал еси благодатию / и прешел еси к Царством Небесным, / Христу Царю предстои и взывая: / благословите, вся дела Господня, Господа.

**Богородичен:** Виден бысть яко человек из Тебе раждаемь Пресущественный, / сугуб естеством, Пречистая, действы, и хотении, / имже уподобися, изволив являясь, / Емуже вопиём: / вся дела, благословите Господня Господа.

### Песнь 9

**Ирмос:** Камень нерукоусечный / от несекомыя горы, Тебе, Дево, / краеугольный отсечеса, / Христос, совокупивый разстоящаяся естества. / Тем веселящися, Тя, Богородице, величаем.

**Священномучеников** святых священную совершающе память, / песнями священными, приидите вси, велегласно тех почтим, / о нас молящихся Всещедрому Богу нашему.

**Явистесь,** яко честное камение, / по земли от безбожных, мученицы, влачими, Божественнии, / и прелести утверждения силою Божию сокрушающе: / сего ради достойно ублажаетесь.

**Днесь** град Херсон вашу память празднует: / сему бо явистесь столпы, и Божественна забрала, и утверждения, / пастырие, и учителя, и молитвенницы, Богоблаженнии.

**Уже** ликом Ангельским лик отец сочислися: / со Евгением Ефрем и Капитон, Елпидий же и Еферий, / и Василий славный, и Богомудрый Агафодор.

**Богорóдичен: Нося́щи Христа́ на объ́ятиих, руко́ю нося́щаго вся, Богоблагодáтная Отрокови́ца, / дивя́щихся, вопия́ще, глаго́лющи: / ка́ко и Сы́на познава́ю Тя и Творца́ Моего́ непостижи́маго?**

**Святые священномученики епископы Херсонесские Ефрем, Василий, Евгений, Елпидий, Агафодор, Еферий и Капитон** в разное время были епископами в Херсонесе Таврическом (Крым). Они благовествовали Христа и запечатлели свою проповедь мученической смертью в городе, из которого впоследствии воссиял для Руси свет истинной веры. Святой равноапостольный князь Владимир, крестивший киевлян в 988 году, сам принял Святое Крещение в 987 году в Херсонесе.

Начало просвещения Тавриды (Крымского полуострова) верой Христовой положено, по преданию, святым апостолом Андреем Первозванным. Затем распространению здесь христианства способствовали его же гонители: римские императоры ссылали сюда исповедников Христа. Так, в царствование императора Траяна сослан был в Херсонес святой Климент, епископ Римский (память 25 ноября), ученик святого апостола Павла.

В 16-й год царствования императора Диоклитиана (301) Патриарх Иерусалимский послал в страну тавроскифскую, в город Херсонес епископов Ефрема и Василия. Мирно трудились они, насаждая Церковь Божию. Затем святой Ефрем отправился к скифам, жившим по Дунаю, где и принял от них мученическую кончину через усекновение честной главы. Это (год кончины неизвестен) было 7 марта.

Святой Василий продолжал в Херсонесе апостольские труды, обличая заблуждения идолопоклонников. Подвергшись поруганию и избиению, он был изгнан. Святой удалился на гору неподалеку от Херсонеса и жил в пещере. Изгнанный за имя Христово, он молил непрестанно Бога за изгнавших его.

В то время в Херсонесе умер юноша, единственный сын у одного из знатных горожан, и был погребен вне города. Наступила ночь, но родители не отходили от гроба. Во сне им

явился умерший сын и слезно молил обратиться к святому Василию, жившему в пещере. Когда святой Василий, силою Божией освятив воду, возлил ее на умершего, призывая помощь Святой Троицы, мертвый юноша ожил. С почетом был святой Василий введен в город, многие уверовали и крестились.

Видя запустение своих капищ, диавол вошел в сердца обитавших в Херсонесе иудеев, и те вооружили против святителя Христова слепотствующий народ. Вооруженная толпа напала ночью на его дом, схватила его и, связав, влачила по улицам, пока, наконец, не забила до смерти камнями и палками. Тело святителя было брошено вне города, но звери не тронули его. Это произошло 7 марта 309 года. Останки святого христиане похоронили в пещере.

Один из учеников святого Василия отправился морем в страну Гелеспонтскую и встретил там трех епископов, выехавших из Иерусалима вместе с Василием и Ефремом: Евгения, Елпидия и Агафодора. Узнав об участии, постигшей святого Василия, они прославили Бога, увенчавшего его мученическим венцом, и решились сами ехать в Херсонес, чтобы продолжить святое дело просвещения язычников. В Херсонесе они с жертвенной самоотверженностью проповедовали Евангелие, но вскоре претерпели мученическую смерть (не позднее 311 года). Святых мучеников побил камнями. Тела их бросили за городской стеной без погребения, но христиане тайно взяли их и с благоговением предали честному погребению в той же пещере.

Через несколько лет, уже в царствование Константина Великого, из Иерусалима прибыл в Херсонес епископ Еферий. Язычники продолжали жестоко притеснять христиан, и он вынужден был отправиться в Константинополь, чтобы прибегнуть к покровительству императора, склонявшегося уже к принятию христианства. Благодаря этому христиане

смогли беспрепятственно совершать богослужения. Еферий мирно правил паствой, построил в Херсонесе храм. Скончался 7 марта на острове Алос на обратном пути из Константинополя, куда вторично ездил благодарить императора Константина VI за защиту христиан.

Оплакав кончину святителя, херсонесские христиане обратились к императору Константину с просьбой прислать им епископа. На место усопшего прислан был в Херсонес епископ Капитон. Радостно приняли его верные. Но и язычников собралось множество, которые просили от него чудесного знамения, чтобы уверовать в Бога. Твердо уповав на

помощь Божию, епископ вошел в разложенный ими огонь, молился среди пламени и вышел из него невредимым, набрав в свою фелонь горящих углей. Многих язычников это чудо обратило ко Христу. Святой Капитон несколько лет был епископом в Херсонесе. Однажды, на пути в Константинополь, он был застигнут бурей, прибавшей корабль к берегу в устье Днепра. Местные жители-язычники ограбили корабль, захватили в плен спутников святителя, а его самого утопили. Он скончался мученически 21 декабря, но память его совершается вместе с другими Херсонесскими святителями, пострадавшими 7 марта.

